

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : BUKAN LISAN

DARIPADA : TUAN WONG CHEN [SUBANG]

SOALAN

TUAN WONG CHEN [SUBANG] minta **MENTERI ALAM SEKITAR DAN AIR** menyatakan :

- (a) lokasi dan jumlah kemudahan rawatan sisa toksik berbahaya di Malaysia; dan
- (b) apakah penambahbaikan penguatkuasaan yang dilakukan untuk mengelakkan pembuangan sisa toksik berbahaya haram ke dalam air sungai.

JAWAPAN

Tuan Yang Di-Pertua,

1. Jabatan Alam Sekitar melesenkan premis yang ditetapkan buangan terjadual bagi tujuan pengolohan, pemerolehan kembali atau pelupusan di bawah Seksyen 18, Akta Kualiti Alam Sekeliling 1974. Bagi tempoh pelesenan 1 Mei 2020 hingga 30 April 2021, sebanyak 406 premis yang dilesenkan oleh Jabatan Alam Sekitar sebagai Kemudahan Pemerolehan Kembali Luar Tapak, Kemudahan Pemerolehan Kembali (Penuh) Luar Tapak SW 110, Kemudahan Pemerolehan Kembali (Separa) Luar Tapak SW 110, Kemudahan Pengolohan Luar Tapak, Kemudahan Penstoran Luar Tapak, Kemudahan Penunu Buangan Terjadual, Kemudahan Tapak Pelupusan Selamat dan Kemudahan Pengolohan Di Tanah. Semakan premis, alamat, nombor telefon, kod buangan terjadual yang boleh diterima, jenis kemudahan mengikut negeri boleh disemak melalui laman sesawang <https://eswis.doe.gov.my>.

2. Di samping mempertingkatkan aspek pemantauan dan penguatkuasaan, Jabatan Alam Sekitar juga sedang memperkasakan urus tadbir pengurusan buangan terjadual yang dijana oleh industri melalui *Electronic Scheduled Waste Information System* (eSWIS). Pemantauan berterusan melalui pelaporan secara harian nota konsainan berstatus “submitted”, pelaporan secara mingguan penstoran melebihi 180 hari atau 20 metrik tan dan pelaporan secara bulanan industri yang tidak mengemaskini inventori dalam bulan semasa. Siasatan akan dijalankan ke atas pelaporan tersebut dan tindakan di bawah Akta Kualiti Alam Sekeliling 1974 dan peraturan-peraturan di bawahnya akan diambil ke atas salahlaku yang telah dilakukan.

3. JAS juga telah memohon kepada semua Exco Yang Bertanggungjawab ke Atas Alam Sekitar Negeri agar semua Pihak Berkuasa Tempatan memasukkan penggunaan eSWIS dalam syarat lesen perniagaan dan lesen operasi (bagi lesen baru dan pembaharuan lesen) bagi industri yang menjanakan buangan terjadual terutamanya bengkel dan klinik termasuk klinik haiwan.

Sekian, terima kasih.